

愚

齋

存

稟

愚齋存稿卷第九十六

電報補遺目錄

寄杭州輝崧帥

北京李中堂來電

寄京慶邸李相

杭州輝中丞來電

寄江甯劉峴帥蘇州聶仲帥

寄京李中堂

寄 行在軍機處北京全權大臣甯鄂督帥

北京李傅相來電

恩不負  
免才不負  
寄 行在軍機處

江督劉峴帥來電

又

浙撫余晉帥來電

北京周玉山方伯馥來電

德京呂大臣海寰寄劉峴帥電

寄浙撫余晉珊中丞

北京李傅相來電

北京周玉山方伯馥來電

北京李傅相來電

常州惲菘帥來電

寄京柏緝譯憲章

北京柏令憲章來電

寄西安 行在軍機處北京全權大臣江督劉峴帥鄂督張香帥

江督劉峴帥寄京慶王李相

北京全權大臣慶李寄 行在政府

江督劉峴帥來電

長沙俞中丞廉三來電

行在軍機處來電

愚齋存彙

卷九十六目錄

二 思補樓藏版

又

寄蘇甯皖贛鄂各督撫帥

江督劉峴帥來電

西安岑中丞春煊來電

寄 行在軍機處

鄂督張香帥來電

江督劉峴帥來電

江督劉峴帥來電

江督劉峴帥來電

寄江督劉峴帥

寄開封于次棠中丞蔭霖

杭州榮方伯銓來電

寄北京李中堂

寄杭余晉珊中丞

寄開封任河帥道鎔

江督劉峴帥寄京全權大臣

濟南袁慰帥來電

寄行在戶部

陝撫端中丞方來電

東京駐使李大臣盛鐸寄江督電

北京陳孟陶副憲名侃來電

北京李中堂來電

美京伍大臣廷芳來電

鄂督張香帥寄德京呂大臣海寰電

北京慶邸李中堂寄山西岑中丞電

北京徐頌閣中堂等來電

寄京徐中堂

寄甯劉宮保杭余中丞

安徽王灼棠中丞之春來電

寄美京伍大臣

寄江督劉峴帥

寄 行在戶部

寄長沙俞虞軒中丞廉三

北京慶邸李相寄甯督電

寄 行在軍機處

寄英法日羅裕李三星使

寄京李中堂

寄行在張治秋總憲

寄西安王中堂

寄京慶王爺李中堂



寄京全權大臣

寄甯督劉鄂督張

寄太原岑雲階中丞春煊

寄 行在軍機處

京慶親王寄江督劉峴帥電

京周玉山方伯馥寄甯劉宮保電

北京慶親王李中堂寄行在軍機處

寄甯督劉峴帥

寄甯鄂粵三督帥

香帥巡寄巴黎裕朗西星使轉前任出使大臣慶藹堂

京卿電

寄行在政務處

寄西安王中堂

寄江督劉峴帥

京李中堂寄鄂督張香帥電

寄京李中堂

江督劉寄德京呂大臣英京羅大臣電

寄汴撫松中丞壽

寄江督劉峴帥

寄京李中堂

太原岑中丞春煊來電

行在軍機處來電

常州惲松雲中丞來電

山東袁慰帥世凱來電

西安行在戶部寄北京全權南洋大臣電

濟南袁慰帥來電

保定周玉山方伯馥來電

北京柏譚員斌來電

寄西安軍機處北京全權大臣甯鄂督帥

寄常州惲松耘中丞

常惲中丞來電

寄武昌瞿方伯廷韶長沙莊觀訥賡良開封馮觀訥光  
元西安馮方伯光適姚觀訥彥鴻

寄長沙俞虞軒中丞

俄京楊大臣儒來電

寄美京伍大臣英京羅大臣東京李大臣

杭州任中丞道鎔來電

寄行在鹿滋軒尙書

寄京李中堂

又

寄各省電報局

寄常州惲菘耘中丞

北京胡侍郎燝綦來電

寄京全權大臣外務部甯督署鄂督署

寄江督劉峴帥鄂督張香帥

浙撫任中丞道鎔來電

寄潼關榮中堂

行在榮中堂來電

寄北京慶親王李中堂

寄行在王中堂

常州憚中丞祖翼來電

寄京李中堂

太原岑雲階中丞春煊來電

寄山東新任直督袁慰帥

寄 行在王中堂文韶

行在王中堂來電

寄保定袁宮保

北京軍機處來電

寄京王中堂

鄂督張香帥來電

寄張香帥

留督劉峴帥來電

又

寄貴陽鄧小赤中丞華熙

鄂督張香帥來電

廣州陶子方制軍德靜山中丞來電

鄂督張香帥來電

寄保定袁宮保

寄江督劉峴帥鄂督張香帥

劉峴帥來電

寄京榮中堂

常州惲侍郎彥彬惲中丞祖翼來電

寄保定袁宮保

北京袁宮保世凱胡侍郎適蔡來電

寄北京袁宮保胡侍郎



愚齋存稿卷第九十六

電報補遺七十三

寄杭州惲菘帥

十二月十七日

梧仲委嘉興當命盡心民事以報憲恩伯衡事今日與  
霍爭辯甚力但先入之言太深續晤再圖徐解蓋調缺  
不難在政府姑商仁和並懇全權與英使解釋

北京李中堂來電

十二月十九日

十七專議懲辦禍首未及他事明降准行新政望  
全抄示振捐實官請預發空白照本日已專摺馳  
奏

寄京慶邸李相

十二月二十日

摘錄蒸 旨積習相仍致成大衅現正議和政事尤須  
整頓 懿訓取外國之長補中國之短懲前事之失作  
後事之師以後擇善而從母子一心着軍機大臣大學  
士六部九卿出使大臣各督撫參酌中西政要凡朝章  
國故吏治民生學校科舉軍政財政因革省併各抒所  
見各舉所知通限兩個月詳悉條議由朕上稟 慈謨  
斟酌施行今之言者兩途一襲取報館文章一拘守書  
生成見有治法貴有治人改絃更張以後所當簡任賢  
能上下交做事窮則變安危強弱全在於斯儻再因循

敷衍空言塞責省事偷安憲典具存朕不能宥全文月  
寄請先轉告各衙門

杭州惲中丞來電

十二月二十二日

效電讀悉照會理直氣壯偏勞感謝彼未必有復  
乞密探其口氣行徑如何中外報所載甚惡雖慣  
造謠言彼情叵測亦應慎防如實在執意不轉郭  
春榆所議將鎮道擬斬候頗見慧心羅或同罪或  
再重似可鑒欲祖翼已去是邦而心懸莫釋請隨  
時與晉帥熟籌儻有結案佳音飛速電常爲幸嘉  
興道中

寄江甯劉峴帥蘇州聶仲帥

十二月二十五日

常州西南各鄉武進縣境向爲鹽梟出沒之區今年夏秋以來勢燄日張延及壇溧宜荆各處立埠聚賭招集本地無賴入黨訛詐搶擄無所不爲民不聊生告官不理鄉民情迫於上月十六七八等日各鄉集團丁協力驅逐匪黨抗拒斃廿餘名鄉民亦有受傷者並搜出僞印標布紅帖手摺各件語多悖逆已稟縣府現在鄉民深懼報復人心皇皇可否電飭杜道速帶一營馳往查辦並酌留該營暫駐適中處所一面頒示嚴拏匪黨解散誘脅以定人心而免滋亂武進幸無教堂若應機稍

緩蔓延鄰境擾及教內則益棘手矣

寄京李中堂

十二月二十四日

十月廿一奉 旨浙江衢州教案着盛宣懷會同惲祖翼迅速認真查辦妥爲了結毋再延緩欽此霍前僅函請拏犯屢推薩使不肯會議嗣據照稱駐京大臣已向全權大臣云鎮道府營及紳士均應正法十八接晤仍云薩使必欲殺官紳六人十九將允辦周吳二人照復後霍又照稱團民肇亂時教士全家避至道署因鎮道府攔阻叱出始被戕害是兇犯與官無少分別如不駢首豈足蔽辜紳士實係指使率領亦未便輕縱前撫臬

遵奉 密諭卽札各屬甚爲昏瞶未便寬宥等語今來  
信云已接薩電此案應歸全權大案在京議辦毋庸在  
滬再議並聞霍將回漢口領事任又聞其繙譯密告鎮  
道府辦假死罪可了劉榮須永不敘用霍旣無權須由  
鈞處與薩議結

寄 行在軍機處北京全權大臣甯鄂督帥

十二月二十六日

頃接英羅使有電開本日外部齋到英主復電二道謹  
譯文曰大英國大君主五印度大皇帝額德華致謝

大清國 大皇帝陛下接到初八日國電以先大君主  
五印度先太后帝崩殂蒙 大皇帝錫以親切慰唁之

辭余循讀之餘不禁中懷感激且命以調攝藐躬黽勉  
國事敢不敬承一併鳴謝又曰大英國大君主五印度  
大皇帝額德華致謝 大清國 大皇帝陛下接到十  
二日國電承 大皇帝錫以褒贊感蒙無涯余惟有以  
大皇帝之心爲心同願中英多年邦交即日復初逾  
恒輯睦更深盼望之至等因除轉奏外謹聞

北京李傅相來電

十二月二十六日

效電於廿三抄示薩使尙未回復霍領事謂接薩  
電此案應歸全權大臣在京議辦或亦有因薩曾  
言懲辦禍首案結後尙有各省教案必應懲辦予

笑謂爾好殺人我不願與議然照會到亦不能推諉

寄

行在軍機處

十二月二十九日

趙舒翹天下稱冤竊料徐承煜啟秀被拘萬無生理先  
允趙英賜死勢必仍生枝節似不及竟允徐啟英三人  
賜死而獨救一趙情罪較當除電商慶李並催劉張電  
致英德外乞代奏

江督劉峴帥來電

光緒二十七年正月初二日  
並致張香帥袁慰帥

戰後立約本無情理可喻卅 旨照允或不致再  
行決裂惟有此波折日後細目正恐不易磋磨



又正月初二日 並致香帥

鄂朔電悉因救一人事後或有責難之意是以與香帥指微有不同現有卅 旨情勢又異電樞及電奏挈鄙銜甚感語扼要尤佩

浙撫余晉帥來電 正月初二日

密咨函均悉衢案歸全權在京議結最爲妥慎南京來電稱已革衢鎮喻俊明除日在甯病故請尊處電達全權備案霍領覆文於榮臬語多文致亦希代電表明頃西安孫道報稱瓦帥有初五進兵之說尊處當有確信乞隨時密示

北京周玉山方伯馥來電 正月初二日

公前與俄商允將奉吉線先交究竟何時可以通  
報津旅各處官電局相諭准作歸商局接辦如慮  
外人以官局不肯卽再請公設法與商和款將議  
及通商理財事邸相俱盼公頭船卽來望復

德京呂大臣海寰寄劉峴帥電 正月初三日

德外部函約往晤據稱和議未結以前中國最好  
不與他國及公司定約將地土銀錢等利益相讓  
於中國甚有裨益請代奏

寄浙撫余晉珊中丞 正月初三日

喻事卽電全權請告峴帥須使孫領事知悉免其事後起疑各國因懲辦太遲有初五發兵之說英趙徐啟均與莊毓同一科罪似可滿意衝案恐非所擬能了奈何並叩新禧

北京李傅相來電

正月初四日

津保旅等處電局本係商辦向歸公司統管嗣因月收報費不敷開銷暫派員經理月幫薪費上年商局以現在報費足敷開銷情願繳官款請收回仍歸商辦業經批准在案今當收回各局之際所有津保旅等處電局請執事及早一律接收督飭

員司妥實經理儻或遲延虧折皆商局事與官無干

北京周玉山方伯馥來電

正月初四日

電悉接收官電事相已電告如語句須變通請公斟酌通商與理財表裏禍首辦過卽須開議邸相盼公早日來京籌議

北京李傅相來電

正月初七日

升允旣不知兵又好言戰聞其致德軍書欲與開仗昨方電奏請嚴飭退紮晉境據德使面稱接仗後不再前進確否希飭速探電聞龍泉關似無防

兵

常州惲菘帥來電 正月初八日

東電想鑿及外間喧傳公將北上若論議和大局設有更變卽去亦無下手處而公在滬上則東南倚如長城緩去尙可補救此中利害判然能中止否念甚兩次 諭旨懲辦罪魁多人能廢所欲否乞密示彼族純用壓力奈何杜道尙未到四鄉驚惶城中亦風謠甚重非兵力鎮壓及速辦團保後患未艾也在籍不甚常發電而有問須答印電尙有携歸者究可省半費聞常局擬向尊處請示乞

諭照辦爲幸

寄京柏繙譯憲章 正月十一日

每年庫平壹千四百萬兩應合貳百萬磅來電伍百萬磅合銀不符又漕鹽常稅是否漕米抑係地丁錢糧希密示

北京柏令憲章來電 正月十二日

真電是貳非伍漕鹽常稅係指鹽課漕運常關三項彼謂整頓此三項即可敷此係英參密談非公事

寄西安 行在軍機處北京全權大臣江督劉峴帥鄂

督張香帥

正月十二日

接據英京羅使文電稱遵蒸 旨密商瀾侯據云俄約  
十二條果如泰謨斯及領事傅磊斯所傳甚有關係今  
中國既令各國排解應請於未得各國回信之先務望  
勿許爲要當卽商明德美日政府再復等語宜謹轉

江督劉峴帥寄京慶王李相

正月二十日

淮晉撫篠電稱昨據防軍稟洋兵攻晉五台縣境  
黑巖溝我軍抵禦敵暫退又據固關稟正定府函  
東天門晉兵不退敵卽進攻等語晉省禍首已正  
典刑拳匪亦均拏辦地方牽涉官吏業請懲處教

士分別保護撫恤實已不遺餘力現和議大綱已  
定彼獨於晉進兵不已不知其意何在囑電鈞處  
設法維持俾免西趨等語現正開議細目款局已  
定若洋兵入晉迎拒兩難務乞迅賜商阻以維大  
局並求電復

北京全權大臣慶李寄 行在政府

正月二十三日

頃德瓦帥來拜周藩司據詢明並無派兵赴東之  
說全係謠言瓦因從未到過青島擬後日起程由  
津乘兵輪前往一看六七日即回並無他事請勿  
過慮



江督劉峴帥來電

正月二十五日  
袁慰帥

並致張香帥

滬敬電已電樞酌辦晉漾電復又開礮進兵實關大局務請杏翁速電全權詢明商阻一面並請轉商滬德領告以大綱照辦和局已定晉撫亦經換人另有辦法萬勿再行進兵致民心復滋疑慮屬其速電穆使商退

長沙俞中丞廉三來電

正月二十六日

衡州教案賠銀一萬六千兩完結法案議定草約賠款三十七萬保護不力之衡州道府前已奏參茲再請革職永不敘用教主范懷德被害之處請

九  
九  
敕建石坊旌卹現委蔡道乃煌偕任主教等赴漢  
與領事簽約兩國之案一律全結敬求轉電慶邸  
傅相實深感禱並乞告知薛守

行在軍機處來電

正月二十六日

江督轉貴京卿述小田切論俄約敬電已進呈希  
將原電轉電慶李備酌

又

正月二十六日

遵 旨電知貴親王貴大學士岑春煊調任山西  
巡撫係專爲清理該省教案起見別無他意如各  
使詢及可卽據實告知勿使生疑該撫如有電商

之事並希尊處隨時指示俾臻妥協而免稽遲是所至要

寄蘇甯皖贛鄂各督撫帥

二月初二日

俄約正值萬緊深恐線路阻斷貽誤大局除飭局員嚴密保護外乞速飛飭沿途州縣各派勇役晝夜巡護至禱

江督劉峴帥來電

二月初三日

並致張袁兩帥

滬冬戌電悉事機萬緊午刻已三銜電奏並於英日同出力向下加此事恐全權遵東 旨定議請再迅發電 旨飭令萬勿畫押廿二字仍請杏翁

將畫押德於山東必先照辦等語擇要電達三全權

西安岑中丞春煊來電

二月初三日

感電所陳不敢不勉惟才庸智短恐措置不能盡當懇時示辦法尤感俄約公意云何乞示

寄行在軍機處

二月初四日

據張家口一帶電局稟報自張家口至北京北京至烏得電桿全被毀失亟需修復除線料另購運外需用電桿木約五千根擬援前案仍由多倫諾爾所屬圍場採用如蒙 俞允請卽飭下直隸總督察哈爾都統派員

點驗乞代奏

鄂督張香帥來電

二月初四日  
峴帥

並致軍機處到

盛宗丞電云鈞處詢俄約不畫而強佔各國可退  
還順直他處亦無平空強佔之理有無把握等語  
查滬上各領僉言如畫押必瓜分且各國力阻我  
畫押若畫押則恐效尤我既聽從拒俄則各國斷  
無反行占踞順直等處之事日外部總領事屢電  
言之英領亦言之他領事姑再一詢先奉達

江督劉峴帥來電

二月初六日

並致張袁兩帥

滬轉電

旨分告在京公使不允俄約請杏翁將

此旨先行撮要密達滬各領令電各外部知照  
以爲將來 朝廷不認此約之據此 旨 行在  
係何日發乞杏翁速示

江督劉峴帥來電 二月初十日

公斷必須由我將改約交出各國方可據以立論  
尊論極佩已轉樞瀝請照辦

江督劉峴帥來電 二月十三日

江北漕糧現擬考核由河由海脚費等項以憑酌  
定如裝商輸水脚等項能否按照商米辦法由鎮  
至滬由滬運津每石各需若干麻袋市價每百箇

給價若干津通駁船現在有無存者尊處會否有  
聞如何辦理爲妥均乞電示爲盼

寄江督劉峴帥

二月二十一日

江北漕糧由鎮至滬運津共合每石銀六錢麻袋市價  
每百箇約十二兩左右聞津通駁船尙有而缺破不齊  
今年聯軍退後須先運江浙舊漕叁拾餘萬再運新漕  
柒拾萬津棧通倉均待修復已慮不及江北漕糧似宜  
酌辦折價下屆再議辦法斷不可拘泥成轍試問河運  
其能濟亂耶

寄開封于次棠中丞蔭霖

二月二十一日

行在電蹕路仍由孟津渡黃沈兆棟所帶線料應先儘  
河北聞聯軍四月可退 兩宮回鑾心切催造沿路  
電線南岸電桿承派印委代購將齊已由陝發款歸還  
州縣北岸仍乞派員會同沈倅趕辦所需墊款候示卽  
當由 行在解還費神至感

杭州榮方伯銓來電 二月二十三日

衢案聞英使尤加指摘乞公與晉帥會銜代託全  
權力辯至爲感盼昨聞俞廩帥獲免係南皮保全  
伊當時有主持一省之權尙可解脫矧無辜之波  
及乎務望始終成全無任叩禱



寄北京李中堂 三月初四日

本日 旨設督辦政務處派慶邸李崑榮王四相鹿尙書命詳細考核一切候 回鑾舉行等因于次帥另簡李仲仙擢桂撫林紹年升滇藩並附聞

寄杭余晉珊中丞 三月初七日

全權與瓦帥議劉光才一軍先退則聯軍亦退和議不致翻復

寄開封任河帥道鎔 三月初八日

和局只要議定賠款便可退兵惟一年須交的款叁千萬如何得了

江督劉峴帥寄京全權大臣

三月十二日

伍使眞電覆稱美願大局盼速結減數攤還均願  
已電柔使商勸各使惟俄德梗阻可慮等語

濟南袁慰帥來電

三月十二日

並致甯鄂兩帥

頃陝電初五戌刻洋兵直入娘子關劉光才退守  
平定州云晉其危矣請杏兒託小田探詢各國究  
何用意至盼

寄

行在戶部

三月十三日

河南造線需款甚急請在黑龍江款內撥銀三萬兩交  
孫道王道派員解往河南以應購木運料造線等用此

款卽由滬電局撥歸江款咨報

陝撫端中丞方來電

三月二十日

該商請獎舉人定於十九日入奏務懇將款妥存  
銀行俟奉 旨允准卽電聞再行將銀迅匯陝事  
已入告萬勿游移

東京駐使李大臣盛鐸寄江督電

三月二十日

諫電遵達外部未晤加藤巧電續悉日廷擇相未  
定山縣卽伊藤前任人尙和平此外尙有西園寺  
之說云

北京陳孟陶副憲名侃來電

三月二十日

貢院毀十之七尙未住手修復不易特不歸官工  
可省少半現卻不能估數

北京李中堂來電

三月二十日

江西蘇甯各墊賑款二萬兩粵局多齡等稟墊解  
六萬兩均聲明解由貴處轉解望卽匯京勿延

美京伍大臣廷芳來電

三月二十日

元悉內地應否次第開通公等卓裁陝荒弟勸美  
善士捐如何辦賑方實濟乞示

鄂督張香帥寄德京呂大臣海寰電

三月二十日

諫電悉丁捐作抵一節德允否華民衆各國深知

斷無梗阻可謂實在辦法以此作抵保全鹽務免  
從中漁利者干預其利息年限姑緩商

北京慶邸李中堂寄山西岑中丞電

三月二十一日

效電悉頃接德瓦帥函以據可信之人報稱張家  
口西北有中國兵民與教民爲難情形擬先派小  
隊赴歧道張家口一帶查探如查實尙須續派大  
隊前往等語查張家口西並無層出教案所稱張  
家口西邊或卽指天鎮大同而言經復以來電悉  
大同政府前於教案微有牽涉已經撤任刻並無  
兵民與教民爲難之事請勿再派兵前往當無他

虞特附聞望查照

北京徐頌閣中堂等來電

三月二十二日

江蘇官立東文學社日本教習五人大小京官及子弟來學者三百餘人已辦兩月乞公倡捐接濟並籌卽年經費五千金造就人才惟公是賴

寄京徐中堂

三月二十三日

江蘇官立東文學社正可造就時彥惟歲費五千金恐難持久擬請酌訂章程減定額數班等公舉總理寄示後公函遍請各省同鄉及吳中大吏集腋量力而行宣無不竭棉相助惟經營公學不遺餘力卒業無資出

洋襟肘畢露幸與諸公共壽之

寄甯劉宮保杭余中丞

三月二十五日

查全權咸電奏榮銓初意謂可革職永不敘用了事乃  
薩使仍堅持派員與商不允鴻與面商亦不允並無可  
免遣戍之說 上諭內刪去永不釋回字樣尙未知彼  
能遵否昨已恭錄照會俟得復再達云特奉聞

安徽王灼棠中丞之春來電

三月二十九日

涇縣煤山前准大咨當經行縣示諭查察以杜覬  
覷各屬商人請開鑛者不一而足涇縣煤鑛自當  
先儘尊處購辦望速開辦爲是清溪橋煤山有無

愚齋存彙

卷九十六

補遺七十三

去  
思浦樓藏版

售與洋人已札縣查復

寄美京伍大臣

四月初六日

粵漢鐵路美公司既違犯續約第十七款前後各約只可均註銷作廢如巴臣士來請納見

寄江督劉峴帥

四月初六日

徐志青所稟已查明全屬虛誑余銳早已撤退係照十  
一成認捐在前蘇滬兩總局均稱應歸紗商十五家同  
業認辦近年紗市極疲若再任徐等局外攙越包捐必  
致任意侵漁紗廠更無生機四月初三咨呈乞賜鈞核  
寄行在戶部

四月初九日



飭據通商銀行核算四百五十兆賠款分三十年攤還  
每年付三千萬計息三釐三毫三以四十五年攤還每  
年付二千萬計息二釐二毫五以六十年攤還每年付  
一千五百萬計息一釐六毫二絲五以上皆係本利九  
百兆但分年愈多息愈輕頃接京電賠款數目俄英比  
鐵路並商教均在內但原數就現款論若攤還須加利  
息各國議借現款由各國公保利息亦輕倘各國分開  
保借大國可以照辦如日意大西洋各國則辦不動但  
公保之舉各國間有不願皆藉口中國無的實抵押各  
公使與各政府商酌尙無實在辦法比意法奧各使願

聞尊處議論有何的款抵押云看來各國得我賠款尙欲議借現款則前議六十年按年還一千五百萬息輕未必能允若照樞電年還二千萬按四十五年亦是本利合成九百兆或可商酌至抵押目前只有照全權所擬俟加稅辦成再行換保統候鈞示再復各使

寄長沙俞虞軒中丞廉三

四月初九日

各電敬悉並據曾守廣鈞電稟亦云並未請設寶源聚公司販運萍煤且無批准出示之案實爲假冒無疑此事於萍礦關係甚重乞賜札飭萍鄉縣顧令嚴拏重辦治以藐違 諭旨捏造院批之罪勢難稍存姑息致長

刁風而貽後患

北京慶邸李相寄甯督電

四月初十日

停試事駁論許久不得已改爲祇商北京會試及  
順天山西鄉試各使仍堅執不允現擬將送來停  
考清單具摺請 旨宣示

寄行在軍機處

四月初十日

頃據通商銀行稟四百五十兆算第一年息銀一千八  
百萬若付二千萬只能還本二百萬算至十年已須付  
利一百七兆之多莫若賠款四百五十兆給息銀五百  
五十兆共一千兆分五十年還每年付二千萬此數核

計只約二釐四毫五等語可否 諭旨允准總數餘由  
樞府商酌較爲活動

寄英法日羅裕李三星使 四月初十日

本日行在樞府電開英法日羅裕李大臣各國共索償  
款四百五十兆現商減息寬期德美兩國所索各有確  
數希貴大臣設法將該國索償若干確數探明電知爲  
盼特轉達

寄京李中堂 四月十二日

甯鄂文電稱劉景韓中丞來電云得京電各使仍堅請  
查抄此事前經傳相商允何忽又變議當日英領照會

尊處言查抄爲撫償教士現衢案賠款業已議結上年  
東南各省保護商教景帥亦會同辦理足爲非嫉視外  
人之據衢案起後景帥拏犯辦匪不遺餘力若罷職外  
更擬籍沒太不平允應請尊處婉商滬英美兩總領事  
懇其轉達公使就此了結如必不能允或由景帥酌捐  
數千金爲轉圜之計統乞轉商電復爲禱坤洞等語現  
在領事已不能問乞商兩使保全非爲景帥爲國體也  
寄行在張治秋總憲

四月十四日

奉電佩慰無任變通不外用人練兵理財三事農商爲  
理財根本周官本重此職今雖是郡縣之天下曾文正

謂非督撫不能辦事誠哉是言胡君已派入譚書院藉資閱歷

寄西安王中堂 四月十八日

盧漢鐵路京至保定已修好現催令造至正定七月完工如過夏 回鑾當可預備正定上車乞電示

寄京慶王爺李中堂 四月二十一日

頃接王相寄電 回鑾准在七月日內卽定期降 旨鐵路七月內可至正定此節已上陳甚爲喜慰希卽趕辦等語除飭沙多趕辦外謹聞

寄京全權大臣 四月二十四日

奉行在樞電開本日尊處具奏 回鑾蹕路情形一摺  
擬請由河南衛輝水路直達天津一節舟行較安惟赴  
津尙有窒礙擬在半途德州登陸至正定或保定乘車  
入京其陸路由保正兩府改乘輪車程途遠近應如何  
預備之處希尊處查明酌定電復請 旨樞敬等因宣  
謹轉

寄甯督劉鄂督張

五月初一日

據山東司道胡景桂等公電袁慰帥於四月二十九日  
丁本生母降服憂袁若去任德國路鑛必棘手伏莽必  
蠢動 畿輔洋兵初退順直及江蘇土匪未靖亦恐勾

愚齋存彙

卷九十六

補遺七十三

三 思補樓藏版

結收拾費事袁係降服可否兩帥會電奏請奪情改署  
乞鈞裁

寄太原岑雲階中丞春煊

五月十四日

劉錦藻由進士部郎捐實銀六萬已奏准 賞給五品

京堂候補

寄行在軍機處

五月十四日

寄全權電信已轉京矣如能聲明定數之外可以隨時  
任便多還則仍照邸相所議辦法爲穩裴式楷云能於  
光緒十九年起還較爲寬緩乞鈞裁

京慶親王寄江督劉峴帥電

五月十八日



土貨存票統抵一事本署核與國官稅項並無出入惟滙關收款一時或難周轉乃該道遠欲因此收撥洋款實屬藉詞推諉茲酌定開辦日期應援照長江各關成案自本年一百六十五結起土貨存票准抵各稅其一百六十四結以前舊有存票仍專抵土貨稅以示限制此案係德領事發端應由尊處與德領事商定後卽行電咨本署以便知照各使

京周玉山方伯馥寄甯劉宮保電

五月二十日

和議將畫押亟欲商訂民教章程聞各國各會意

見紛歧驟難定議現詳查總署卷案並託李提摩  
太在滬檢譯各國教務舊章又電託裕使探取法  
國新論再擬底稿呈全權閱定竊恐保護之法國  
與主持之教皇不易商妥憲台能否設法維持

北京慶親王李中堂寄行在軍機處電

五月二十日

東三省俄隊設專約早畫押易商撤滅江鄂督爲  
日本惑力阻畫押今忽爲商撤俄隊之說甚非情  
理自停畫後俄使除公會外絕無往來何從與商  
卽商必置不理不料力阻畫押者爲此謬論也至  
索喀什噶爾之信未知從何得來此間毫無影響

寄甯督劉峴帥 五月二十二日

商局存儲上年南漕三十餘萬石今年又收蘇漕二十餘萬石計算局船儘運已不能多裝客貨而蘇浙本無漕米尙恐聞風踵至江北漕糧是以未敢遽應且鎮江比上海路遠效糧道轉要比蘇浙核減尤恐兩省藉口聞天津所訂火車合同商局添出許多爲難江北委員欲援軍米悉改海運章程勢難代辦尙祈亮察

寄甯鄂粵三督帥 五月二十三日

如欲全國圖法一律兼行鈔票總以鼓鑄一兩銀元爲是乞示鈞意以便詳晰奏咨

香帥逕寄巴黎裕朗西星使轉前任出使大臣慶

藹堂京卿電

五月二十四日

中國民教尋仇皆由莠民假入教以欺人匪徒造  
謠而滋事遂致民教之良善安分者均受其害若  
不消民教之畛域泯夙昔之仇怨彼此斷難相安  
禍亂仍無了日前數日特就愚慮所及擬議章程  
十一條電請各星使轉達各國聊備采擇藹翁在  
外多年熟諳洋情當有良策務祈詳商教會中人  
訂定章程以期民教永遠相安中國幸甚民教之  
良善安分者亦幸甚做處致裕星使真電請朗翁

錄送台覽所裁酌速商并探教會意見示復至禱

寄行在政務處 五月二十七日

中外條奏多以鑄一兩銀元爲言云云除具摺外謹先  
電復

寄西安王中堂 五月三十日

楊蔭北密電現辦截取擬援甘例以五品京堂候補榮  
相允爲乞恩求電懇鈞處玉成可否垂照銀元事可獲  
鉅款陳宗媯甚明白關係至鉅奈各督狂成見惑小利  
何

寄江督劉峴帥 六月初五日

愚齋存稿 卷九十六 補遺七十三

三思補樓藏版

撤兵已商兩次法日甚願早撤英德尙多推諉卻允電  
商使署德軍調防所來兵官甚多聞北軍展限一月滬  
軍須看北軍方能議撤容再探其覆信

京李中堂寄鄂督張香帥電

六月初八日

畿境苦旱兵災之後繼以洋兵教士到處勒索賠  
償供給民不聊生接辦大差實已無從羅掘不得  
已爲告貸之舉承公率屬慨捐鉅款並不須由直  
餉扣還不獨忠愛義聲昭著遐邇卽珂鄉萬姓受  
福同深高誼隆施愧無以報諸君捐款可否歸入  
善後捐核獎祈電復以便奏聞

寄京李中堂

六月十三日

據鄭道清濂稟十二日普意雅交來安肅縣洋員霍生  
電稱本日有賊四人帶洋槍突來車站拆毀站牆威嚇  
工人不准工作經通知洋員到場看見一賊先逃三賊  
繼走向安肅縣路逃去工人均避保府不敢赴工云職  
道將情面求中堂飭屬設法保護候示遵行惟現在洋  
兵撤退內地無兵袁軍調勦土匪刻不能來地方官無  
權不無可慮似非公司招兵訓練緩急難恃云前奉敬  
電姜軍現調省南勦匪即可就近沿途分駐已飭沙多  
遵照今據鄭稟彼必藉口望速派一營分駐沿途宣到

京必可妥籌津貼並望孫道就近稟商中堂辦理

江督劉寄德京呂大臣英京羅大臣電

六月十六日

去歲北地匪擾滬駐洋兵商民驚疑迄難安心貿易現北京聯軍已陸續遣退滬上洋兵更應早撤經盛大臣屢商各領別國均願卽撤惟英德尙難定議遣退事定滬兵未撤商民必更滋疑慮務望速商外部早撤滬兵以定人心而興商務盼復

寄汴撫松中丞壽

六月二十一日

三月底派湖北縣丞莊元徵押運電線鉤碗紮線等件分作兩起以一起連報房材料運交開封以一起運交



孟津五月二十二據莊稟運到線百三十捆餘料車夫  
行抵正陽委之而去已面求豫藩憲飭州縣代僱車騾  
分運悉照民價第當飭楊光斌幫同運工乃頃據楊稟  
途中大水杳無信至除分別參撤外乞速飛飭正陽至  
祥符各州縣速查代運免誤躡路要工至深感禱和約  
日內畫定財政幸免干預

寄江督劉峴帥

六月二十二日

頃德克領事面稱吳淞修挖與估足抽五並載合同亟  
須議定茲事有益無損惟船鈔每年須提二十三萬此  
款似係總稅司支款須商赫德否撤兵事克意宜請全

權列入約內近日有京電否

寄京李中堂

六月二十四日

據沙多稟十二日安肅新蓋車站牆垣被土匪拆毀打傷華工地方官並不能保護似此只得請留洋兵保護等語現已諭知中堂十四已派馬隊一營分紮安肅一帶但恐匪多兵少鈞意似係飭令接防各軍兼護鐵路務求嚴飭沿途駐紮各軍總以保護路工不再生事免滋藉口

太原岑中丞春煊來電

六月二十五日

夏令多電電阻固常事然北京電每十二三天始

達晉省教案現在京議必須消息靈通方免遺誤  
擬懇嚴飭各局千萬勿壓感荷大德曷勝無極

行在軍機處來電

六月二十五日

來電已進呈奉 旨照辦卽希妥爲預備如臨時  
或有添改之處再行電知

常州惲菘雲中丞來電

七月初一日

我正寄函公先發電撥錢撥米均如所願救災如  
救火公深得此指矣敬服敬服竇公處已知照遵  
卽派員趕運以工代振最合辦法衆論亦相同至  
武陽顯官僅賡甫仲梓叔惠心安四人請公孳名

會電似須將我等捐數略提否則恐以些須塞責  
至各省握篆之府州縣何人不知其詳公能查否  
多多益善也

山東袁慰帥世凱來電

七月初二日

二十八因章邱境黃河決口具電奏報甫發即據  
報惠民境又決擬兩案並奏曾飛電河南府局將  
原奏追回另辦該局員兩日無復又電告以如不  
及追回可罷論請復催詢五次乃又經兩日迄今  
一字不復至未能另擬續奏殊爲焦盼務祈迅電  
該局員無論能否追回速即電復俾免誤奏並請

兄酌加懲警以重公報

西安行在戶部寄北京全權南洋大臣電

七月初二日

北洋各船既調歸南洋應用薪糧自宜由南洋支給且南洋舊有各船尙可酌量更換籌防各局亦非無款可支直隸教案賠款專指滬關二成洋稅爲大宗此外實無的款可撥應電江督無論如何爲難務挪騰三十萬之數設法匯京以備撥付

濟南袁慰帥來電

七月初七日

昨因省局謂豫洛線通故逕電豫洛局收轉亦未電知洛線未通至有前誤今得洛電查復該局並

無差失特此布聞並祈涵諒

保定周玉山方伯馥來電 七月初八日

李中堂北京前月有電開沙多稟六月十二安肅  
車站新牆被匪拆毀毆傷華工官不保護只得請  
留洋兵云飭據安肅胡令查明是日教堂來人因  
登車踏落牆磚被路工將堂中車夫打傷旋教民  
持槍尋路工打架兩造俱稟縣縣不能提訊只得  
稟孫鄭核示至保護鐵路無不加以意現飭地方搭  
蓋睡舖晝夜看守又派七班差役梭巡云云查鐵  
路法人氣焰不減於教堂官民視若兩敵小官安

能爲力且以壓力保路終非久計愚見請盛大臣  
派一大員梭巡能與法人及地方官聯絡諸事皆  
妥又路工司巡間用本地人則小竊易防至護路  
馬步隊亦須與法人通氣請盛大臣派員來商一  
切爲盼

北京柏譯員斌來電

七月初十日

傅相自初六早發寒熱作嘔燒一百零二度德國  
醫診視云係積滯當晚暫解熱退初七午後熱又  
作一百度德醫云積滯仍未清初十熱退惟體弱  
神疲醫云須靜養節食一禮拜方可復元竊查傅

相自六月二十病愈後每早食炒麵每飯食肥肉  
季臯屢諫不聽以致積滯現惟食稀粥或牛奶或  
雞湯或藕粉少許今午頗見好食乾飯不多

寄西安軍機處北京全權大臣甯鄂督帥

七月十二日

德京駐使署電稱跪叩一節屢與外部爭辨迄無更改  
據稱中國與德國係平行所以見德皇亦須行華禮廕  
昌仍以參贊看待如免廕昌置張翼於何地云賡音泰  
稟請轉慶李劉張並樞譯特轉達

寄常州惲松耘中丞

七月十三日

初八函悉尊紀取款已行何志霄竭力勸輸具稟呈繳



四千元即日專送孟翔已回常此等事宜勸不宜勒尊  
意何如

常惲中丞來電

七月十三日

何志霄捐安公眞駕馭得宜佩服是否照前議辦  
理候示卽將公呈寄滬以便於撫臬處解釋紳富  
捐款竄公以虛聲脅制心弟以苦口勸導剛柔並  
濟四五日內居然連何款已及三萬元再台官款  
暨各省同鄉協助所差似亦無幾廢甫諸公有復  
電否知公屢念謹先馳慰紅幫頭目李炳泉黨羽  
甚多至圩塘魏村一帶嘯聚難民欲圖起事眾百

姓云上憲活我斷不相從旋卽解散該鄉董來鑿鑿言之蚩氓尙有天良此家鄉好消息也

寄武昌瞿方伯廷韶長沙莊觀督廣良開封馮觀督光

元西安馮方伯光適姚觀督彥鴻

七月十五日  
雲中丞會電

憚甚

武進沿江一帶圩岸盡破死者無算逃出者亦生機已盡弟等各捐千兩在籍紳商勸捐已及三萬元但工振兼施所短甚鉅今年水災八九省各分畛域無可乞鄰公素懷保赤乞酌量倡捐並多多勸助迅賜電復功德無量

寄長沙俞虞軒中丞

七月十五日

醴陵縣界內應購鐵路地畝薛守等電稟查照紅契給價較分別等則尤爲公允請速分行縣局曉諭標桿內各業戶一律呈驗紅契由印委會同照給當面過割不准吏胥剋扣儻有指阻便係抗違照章收地入官價充善舉除飛咨外特電聞

俄京楊大臣儒來電

七月十五日

外人開礦昨向戶部索閱專章計共十條卽譯寄須與尋常礦章相輔而行戊戌冬曾將全部譯寄總署可檢查參酌

寄美京伍大臣英京羅大臣東京李大臣

七月二十一日

呂晉電已奉德皇諭跪拜禮允免遞書時只帶廕昌俱鞠躬禮餘均不見已請醇邸啟節廿一到柏林

杭州任中丞道鎔來電

七月二十六日

衢案已遵 旨將周之德正法鮑祖齡起解榮銓在金陵患病已經江督派員逕解配所其餘犯飭司督審明確除羅協監斃外將周德崇等十三名正法梟示徐攀英等九名擬發極邊充軍永不釋回黃言七等六名監禁五年許老三一名監候待質鄭鏗等十七名發回西安縣管束已於本日一律分別辦竣出示曉諭一面奏聞

寄 行在鹿滋軒尙書 七月三十日

前月法國藉口鐵路尙有盜竊案件欲留法兵常駐敝處力任防護並請傳相派馬隊巡哨已據總辦孫鍾稟報保定一帶法兵均已退清此後仍須遵照鈞意多派兵勇免貽口實

寄京李中堂 八月初一日

奉榮相電云聞公清恙 兩宮均爲屢系昨已有溫旨存問矣現在尊體已否就痊眠食俱好否深切鄙念望爲 國加意保重祿東特轉達

又 八月初三日

福躬漸愈務求格外頤養以慰 朝野企念之殷仲彭  
今早坐怡和連陞船來京請派人赴塘沽照料

寄各省電報局

八月初九日

實官停捐滬局儘八月內截數報部尊處請限二十以  
前截止停收速將獎冊存根捐項一并寄滬以便彙報  
逾限礙難再報銜封翎監尙可收久暫候部議

寄常州憚菘耘中丞

八月十二日

停捐 上諭自降 旨日起一月限期不准請展傅相  
不奏實無法想此間已趕月內結束矣

北京胡侍郎燭棻來電

八月十二日

九城四十里並無設立德律風以達美馬兩軍之  
議惟此舉究於各軍消息靈通最爲有益昨已回  
明慶邸俟那侍郎回京撥出款項再行奉託

寄京全權大臣外務部甯督署鄂督署

八月十九日

行在電 旨著派宗人府府丞盛宣懷爲辦理商稅事  
務大臣議辦通商行船各條約及改定進口稅則一切  
事宜並着就近會商劉坤一張之洞妥爲定議稅務司  
戴樂爾賀璧理均着隨同辦理欽此樞效謹轉達

寄江督劉峴帥鄂督張香帥

八月二十日

昨接全權嘯電頃英薩使照會云云聞各國商會均想

有益於彼卽是十一款各國以修改爲有益者中國認與商議更改之意英國派來均係商務熟手各國亦必有續派宜自維愚鈍懼勿克勝祇有竭力磋磨隨時電求訓示以免叢脞

浙撫任中丞道鎔來電

八月二十日

溫處已趕辦電線感甚衢州並無建祠之事係滬上訛傳衢案餘匪又於七月在江山聚集起事飛調防運勦捕並電知閩督江撫派營堵截已擒獲匪首十餘名匪蹤四散人心已定浙中會匪各處潛匿誅不勝誅防不勝防最喜造謠生事不易治



也

寄潼關榮中堂 九月初二日

頃聞少君遽逝曷勝愴悼惟望中堂抑情餐衛格外達  
觀隨扈方勞尤冀爲國自重以慰中外之望

行在榮中堂來電 九月初三日

遠道注存甚荷暮年遭此一何不幸蒙 慈旨慰  
問不敢不勉強銷假昨已趕到 行在知注并聞

寄北京慶親王李中堂 九月初四日

英派商約大臣將到聞英廷給有文憑宣懷已奉電

旨未奉明文兩國會議事件例須換看文憑應否奏請

愚齋存彙

卷九十六 補遺七十三

思補樓藏版

行在寄一 諭旨以免臨時因此稽延乞鈞裁

寄 行在王中堂 九月初八日

陽電蒙詢軌路查盧漢去冬比人已由西路另造至前  
門外抵京 蹕路本可不經津盧因英使向傅相堅請  
回鑾從盧溝橋換車到馬家堡宣請傅相允英使過  
盧溝橋卽上津盧軌路惟換車多不便應令盧漢車直  
至馬家堡不換英車傅相覆電已照允做處已派孫道  
鍾祥鄭道清濂馮道敷高赴保正料理一俟開封 啟  
鑾有期卽親赴正定迎 駕現因意國請造浙江鐵路  
慶邸咨令籌議昨來浙面商筱帥明日返滬

常州惲中丞祖翼來電

九月初十日

江鄂原奏將綠營分二十年裁盡酌設緝捕勇營  
並設警察之勇歸州縣調度意良法美公念及籌  
費艱難擬在家鄉先行此法具佩苦心峴帥復電  
如何儻以兵尙未裁費仍無出爲詞又將作何辦  
法請多備數策俾可必成鄙意江勝營明春便留  
不住矣十二赴蘇公回滬數日便可晤譚

寄京李中堂

九月十一日

孫道稟沙多十八九赴正定至黃河勘路直隸經過各  
州縣擬求中堂札飭認真照料保護除電豫帥外乞賜

札行

太原岑雲階中丞春煊來電

十月初七日

前懇我公轉電李星使聘一日本農師並擇一通  
事來晉未識李星使已否電復晉省農政最關緊  
要意欲早日定局務懇電催爲禱費神感謝

寄山東新任直督袁慰帥

十月初八日

開辦商稅已奏調黃道建筦襄辦宣近患冬瘟甚劇已  
電奏請假二十天現英美所派商稅大臣陸續抵滬亟  
需開議祈飭催黃道速來滬

寄 行在王中堂文韶

十月十二日

據孫道稟正定以北新釘軌道新樂便橋甫成祇可用  
小機車掛車四次每次至多十四五輛其餘須挪至前  
一日或後一日擬請在正 駐蹕一日將隨從先送至  
保次日由保至京則大機車可挂三四十輛應可一起  
運京現已派柯道前往查明再電 行在惟瑣屑未便  
事事請示樞垣 蹕路事宜何人總理以後分日分班  
開車情形應與何人電商乞鈞示

行在王中堂來電

十月十三日

回鑾本定廿三啟蹕因 慈躬適有感冒須挪後  
數日由開封至正定分十六站到正總須二十多

天惟到京日期定在甲午到保後尙須 駐蹕旬  
餘大致如此 蹕路事宜未派總理亦無人勝此  
一切祇能請示樞垣兄十五准行分十二站廿六  
必到正定瞿眷約二十前到滬封河期迫請代擇  
妥船不必定須新裕玖公諄囑轉託務與做眷一  
律照拂感銘無既云尊恙漸愈甚慰能否北來封  
河時慎重自酌北地嚴寒於尊體素不相宜亦未  
可勉強也

寄保定袁宮保 十一月初六日

路局柯道鄭道電稱前月望都縣界軌路螺絲釘被盜

三百餘箇枕木魚尾片均爲鬆動數日後滿城縣界有人將路上鋼軌拆下一段橫置軌道本月朔夜該處又有人將石塊堆於軌上幸經早覺尙無大禍雖屢請兩司飭屬查辦不能破案儻回鑾之時遇有此事何堪設想但此係地方之責路局無可設法已稟請袁宮保派馬步四營沿途駐紮於回鑾前後五日嚴令晝夜梭巡照行軍號令勿使奉行故事而橋樑涵洞尤須多置守兵以防匪徒暗伏此事關係重大懇速電慰帥籌辦云乞速照辦餘片復

北京軍機處來電

十二月初二日

據周藩司稟稱現在河南解運之御用物件及武衛左軍虎神營神機營兵勇並隨扈之吏部尙書孫中堂等均在正定候坐火車前進而鐵路洋人非付現銀全價不肯開車請電盛大臣速飭洋員沙多派車裝運人數車價由戶部請領等語查此次火車前接來電上用物件全行報効隨扈官兵係收半價後又有連半價一并報効之電何以該公司索取現銀全價始行開車殊與前言不合況御用物件尤不應停留延緩希卽查照各節速電洋員立予開車裝運除電飭宋軍等嚴查



上車人數以杜假冒外特此電知

寄京王中堂

十月初五日

支電已交繩伯前爲五忠電奏請卹但聞行查子嗣未  
有下文不知 慈意云何便中乞詢玖公示慰

鄂督張香帥來電

十二月初七日

趙令鳳昌夙荷青垂現議商約務祈委派一事以  
爲將來開復之地感禱祈示復

寄張香帥

十二月初七日

趙令誠有用之才久屈可惜卽當委用

甯督劉峴帥來電

十二月初八日

昨虞電比較加稅免釐各數照賀計抽十五歲約  
二千一二百萬除原抽五外尙須再除入內地半  
稅照貿易冊歲約收銀六千萬是所增僅一千三  
百萬矣

又 十二月十三日 並致張宮保

川粵水利事當可照議商定惟立約一事如國勢  
強弱懸殊詞意間必須斟酌着實稍涉含混活動  
以後遇事執約辯論弱者必受大虧祈杏兄留意  
及之

寄貴陽鄧小赤中丞華熙 十二月十一日

皓電承賀感謝南洋公學生堪勝英文教習者有人專  
門實難其選學堂開辦伊始教習關繫育才未敢遷就  
應命

鄂督張香帥來電

十二月十七日

做處與峴帥昨奉 旨陛見茲又奉 旨江鄂均  
俟商約定後再來京 陛見鄙人擬由河南北上  
請屬沙多確查自正定至磁州鐵路明年何月必  
可成祈示復

廣州陶子方制軍德靜山中丞來電

十二月十六日

江門水道寬深輪船往來便易開作商埠似無不

可至惠州河道淺狹冬令雖小輪亦難行駛且產  
銷貨物無多開設商埠徒糜經費於商務並無裨  
益應請婉却

鄂督張香帥來電

十二月十九日

函及問答各摺俱悉前魚電馬使交來第十四款  
細閱推廣鎮江章於各口文言之則曰推廣鎮章  
也質言之卽是盡免中國出口土貨釐金也照此  
辦法則各省無釐可收故云將三聯單稅交藩庫  
攤還所過省分應抽之釐貨在本省不能抽釐而  
仰給零星之攤還 國家不出明示免釐而令華

商受洋商之覆庇名實俱無所取無論如何限制皆屬無益彼催鎮章甚急其意可知總之若彼肯加進口稅鎮章尙嫌煩曲可另定簡易章程若彼不允加稅此條萬勿與議免爲所愚千萬至禱此電並呈外務部察閱

寄保定袁宮保

大除夕

總工程司沙多稟稱匪人作踐北路鐵軌層見叠出查一月以來北京鐵路電線割斷五次涿州毀鐵軌偷材料者四次均係一處屢次知會地方官從未查拿懲辦此等情形萬難再爲寬縱懇卽電請袁制軍嚴辦犯事

之人至玩忽之各縣令亦請予以應得之咎再請援照  
保護電線奏定專例請 旨批准實爲至要等語除飛  
咨外乞速賜嚴飭各州縣將鐵路知會毀軌偷料割線  
各犯認真緝拿嚴辦其玩忽不理各縣令可否略予處  
分乞鈞裁並叩年禧

寄江督劉帥鄂督張香帥

光緒二十八年正月初九日

駐滬各領事應給寶星昨已咨商鈞處請挈銜會奏曾  
派員探霍必蘭口氣頗覺喜躍且謂互保之事只有數  
國出力凡有列名者似未可令向隅等語頃奉峴帥庚  
電幸有同心想香帥亦必以爲然牘到仍乞鈞裁

劉峴帥來電

正月初十日

並致張宮保

威費外尙有給英學校總辦尼文寶星亦不受計  
中國先後三次給英員寶星皆退還此時似不宜  
再給霍雖喜恐尙未悉本國例章不能受也應請  
杏兄直告以該國定章及歷辦成案另籌酬答之  
法見示較妥洽

寄京榮中堂

正月十六日

昨蒙 天恩侍擢一階罔非出自裁成曷勝感悚又幸  
工曹事簡不妨久離亦堪藏拙商約擬將我所要素者  
趕早送去似不至有奢望轉託空言一切詳情均由外

務部轉送鈞處如至緊要關鍵月當密電奉達滬上春  
來溫症盛行傳染殆遍宣亦患喉痛七日托庇全愈然  
已苦不勝言

常州惲侍郎彥彬惲中丞祖翼來電

正月二十一日

聞喉症已大愈同深欣慰病癘甫退喜音又來常  
郡同時有兩工侍亦屬佳話惟公雲程萬里彬則  
自甘廢棄也恭賀大喜

寄保定袁宮保

正月二十五日

賤恙已愈醫謂尙欠靜養現仍服清化之劑承念極感  
此間並無吳光建只有公學提調伍守光建想是筆誤



伍守一日不能離堂因公學只此一人提調兼充總教習北洋嚴又陵才學勝伍公宜折節下商必能有濟

北京袁宮保世凱胡侍郎適棻來電

正月二十九日

尊恙愈否甚念關外鐵路交還不遑工程司詹天佑鄺景陽現在尊處辦理萍鄉鐵路聞該處工程已竣請迅飭該員等北來以備接收至感

寄北京袁宮保胡侍郎 二月初二日

賤恙漸愈承注萬感萍淥鐵路因係自籌公款不用洋債故派詹天佑鄺景陽爲該路工程司訂立合同專責辦理現查該路須明年完工勢難半途易人關外鐵路

愚齋存稿

卷九十六

三

向係英工程司做主詹鄺只能歸英人調度若使北來  
萍滌工程大礙於關外似無大益素諗顧念全局伏乞  
鑒原至禱至感

愚齋存稿卷第九十六